

Kab Mob Ntawm Tes Taw thiab Qhov Ncauj Hand, Foot and Mouth Disease (Enteroviral vesicular stomatitis exanthem)

Disease Fact Sheet Series

Kab mob ntawm tes taw thiab qhov ncauj yog zoo li cas?

Kab mob ntawm tes taw thiab qhov ncauj yog ib yam kab mob uas kuj raug tau rau txhua leej neeg tsis hais hnuv nyoog li cas, tab sis, feem ntau mas raug rau cov me nyuam yaus muaj hnuv nyoog 10 xyoo rov hauv. Tus mob yuav ua rau tawm hlwv dej rau hauv qhov ncauj, ntawm pos hniav thiab ntawm ntug nplaig. Muaj tsawg zaum kawg uas thaum tus neeg raug tus kab mob uas ua rau tes taw thiab qhov ncauj mob no kuj ua tau mob rau daim npluag paj hlwb thiab. Cov me nyuam mos uas qhov ncauj tawm, kuj yuav noj tsis taus mis ces yuav ua rau tus me nyuam lub cev qhuav dej taus. Feem ntau tus kab mob tes taw thiab qhov ncauj no mas pom muaj tshwm sim rau lub caij ntuj so thiab lub caij nplooj ntoos zeeg.

Cov tsos mob ntawm tus kab mob tes taw thiab qhov ncauj no zoo li cas?

Tus mob no yuav chiv ua mob qa thiab kub cev hauj sim li 1-3 hnuv li ntawd. Ces yuav sawv hlwv hauv qhov ncauj, ntawm ob sab ntug ncauj, pos hniav thiab ntawm ntug nplaig. Tsis ntev ces yuav tawm hlwv rau ntawm tej tes taw thiab tej zaum rau ntawm pob tw thiab yuav huam ntev txog li 7-10 hnuv.

Cov tsos mob yuav tshwm sim thaum twg?

Cov tsos mob yuav tshwm sim li 3-6 hnuv tom qab tau nphav raug tus kab mob.

Tus kab mob tes taw thiab qhov ncauj ri li cas?

Tus kab mob no kis thaum nphav raug tus neeg mob tej kua ncauj kua ntswg thiab tus neeg mob cov quav.

Thaum twg thiab hov ntev li uas tus neeg mob no ri tau tus kab mob?

Tus neeg uas mob tus kab mob tes taw thiab qhov ncauj yuav ri tau tus kab mob ntawm nws tej kua ncauj kua ntswg thiab nws cov quav lub caij nws mob. Tsis tas li tus kab mob no tseem muaj nyob hauv cov quav ntev ntau lub lis piam tom qab tus neeg mob twb khees lawm.

Yuav kho tus kab mob tes taw thiab qhov ncauj no li cas?

Tus kab mob tes taw thiab qhov ncauj yog ib yam mob uas nws txawj zoo nws, tsis tas muab tshuaj kho. Cov neeg raug tus mob no yuav tau so thiab noj tshuaj, haus dej kom ntau los mus ceev tus kub thiab tus mob uas tus kab mob no ua rau mob xwb.

Yog raug tus mob no ib zaug lawm, puas yuav raug lwm zaus ntxiv?

Yog twb raug tus mob no ib zaug lawm mas tej zaum kuj yuav tsis raug dua lawm tab sis kuj tsis paub meej hais tias lub cev yuav tiv thaiv tau ntev npaum li cas. Txawm lub cev yuav tiv thaiv tau ib hom kab mob coxsackie los, tej zaum yuav tiv thaiv tsis tau lwm hom kab mob thiab.

Yuav ua li cas thiaj tiv thaiv kom txhob ri tus kab mob tes taw thiab qhov ncauj no ?

Yuav tsum ntxuav tes kom hu si tom qab nphav raug tej kua ncauj kua ntswg thiab tej quav. Cov me nyuam yaus uas muaj cov tsos mob tshwm sim lawm yuav tsum tsis txhob mus tom tsev zov me nyuam txog ntua thaum lawv tus kub ntaug thiab cov hlwv ploj zuj zus lawm tso.

DEVELOPED BY THE DIVISION OF PUBLIC HEALTH, BUREAU OF COMMUNICABLE DISEASE
COMMUNICABLE DISEASE EPIDEMIOLOGY SECTION
PPH 42051H (Rev. 05/04)